

六

醫國學心悟



醫學心悟卷之六

天都普明子程國彭鍾齡著

外科十法

外科十法者予歸宗普陀所作也余自普陀生長天都五十有三載業醫者凡三十年爰著醫學心悟一書詳言內症梓行於世而外科有未及王子冬還歸普陀修行適逢

聖祖仁皇帝廣發帑金修葺我

菩薩行宮前後寺僧及工作人等不下數千人其中病患不一

予爲調治悉痊復有患廣瘡疥癬者投以

膏散不半月而收功因思子在天都時僅著內科而未
及外科亦一時之闕畧也乃復聚精會神參悟外科旨
要約以十法而施治之道似無餘蘊言簡而該方約而
效以之問世庶幾其有小補乎將見十法一書與醫學
心悟並行於天壤間也

內消法

內消者腫痛初起隨用藥消散也凡病癰疽發背對口疔毒其
初起憎寒壯熱有似傷寒而痛偏一處飲食如常者蓄積有膿
也當初起時膿尚未成不過氣血乖違逆于肉裏耳外敷以遠
志膏或貼普救萬全膏內服銀花甘草湯即時消散若氣疔瘡

急宜刺破或艾灸腫處搽上蟾蜍餅貼以萬全膏內服菊花甘
草湯隨卽平伏菊花連根帶葉皆治疔瘡之聖藥也其中亦有
挾風寒而發者宜先用芎芷香蘇散以散之隨服菊花銀花等
藥卽可內消須及早下手不可遲滯

艾灸法二

隔蒜灸法勝用刀針書云不痛灸至痛痛灸不痛時凡治癰疽
疔腫流注及一切無名腫毒以大蒜切片安瘡頂上用陳艾炷
安蒜上香點灸之其艾炷大小看瘡毒大小爲取裁若癰疽之
大者以蒜搗餅敷上灸之不痛者灸止痛而止痛者灸止不痛
而止若內已有膿卽將烏金膏塗灸處外用普救萬全膏貼之



爛開大口，卸卻瘀膿，易收功也。若口不收，或腐自不脫，洗用防風湯敷，以海浮散外貼萬全膏，腐自去，新自生，計日可愈。真神藥也。

神人頭法三

人腫在頭面以上者，不宜艾灸，恐引火氣上攻，宜用火照法。神乎其神。法用火照散安紙燃中，以麻油浸點，每用火三枝，離毒半寸，談照之，自外而內，俾氣透入皮色紫滯者，立轉紅活。若瘡熱平塌者，立轉高聳。仍須不時照之，則毒氣頓解，轉陰爲陽，以收全功。且此法不止施於頭上，卽如發背等毒，亦宜用之。其頭面患毒，亦有用艾灸而愈者，因其毒純陰，平塌頑麻，非艾灸無



功但艾炷宜小如黍粒樣式二法乃瘡疽門之寶筏宜互相參考以神其用

刀針砭石法四

凡毒有脹痛緊急膿已成熟無暇待灼艾火照者卽宜用刀法開之但刀法須在的確膿熟之時又須要深淺合度以左手按腫處先看膿之成否如按下軟而不痛腫隨手起者膿已成也按下硬而痛或凹陷不起者膿未成也已成膿者可刺未成膿者宜姑待之若脾氣虛弱者宜托補之又須看其膿之深淺以手指按下軟肉深者其膿必深軟肉淺者其膿亦淺若膿淺刀深恐傷好肉膿深刀淺恐膿不出而肉敗最宜斟酌更有伏骨

之疽膿腐於肉皮色不變者宜以刀刺入深處於出瘀膿或灸
開大口放出之不得姑息因循俾毒氣越爛越深也其小刀須
利刃勿令病者見恐驚彼耳砭法施于頭面及耳前後因其漫
腫無頭急用此法以瀉其毒取土細磁鋒用竹箸夾住緊緊放
鋒出半分對患處另以箸敲之徧刺腫處俾紫血多出爲善刺
畢以精肉切片貼再用雞子清調乳香末潤之此地不宜成膿
頭肉中空耳前後更多曲折提膿拔毒恒多未便故砭法斷宜
早施

圍藥法 五

書云用膏貼頂上敷藥四邊圍凡腫毒之大者將以成膿用烏

金膏貼瘡頭上然後用萬全膏蓋之四旁用芙蓉膏敷之貼膏處取其出膿敷藥處取其消散並能箍住根腳不令展開其作三層敷圍法第一層用烏金膏貼瘡頭若漫腫無頭以濕紙貼上先乾處是瘡頭也第二層萬全膏貼之第三層芙蓉膏圍之然子嘗用萬全膏徧覆腫處連根腳一齊箍住其中消處自消潰處自潰竟收全功可見膏藥之妙矣

開口除膿法

六

凡治癰疽口小膿多則膿不出或出而不盡或薄膿可出硬膿難出以致瘀不去而新不生延綿難愈法當爛開大口俾瘀膿盡出爲善其爛藥烏金散最佳祛瘀肉不傷新肉且不甚掀痛

爲至妙也。若有膿管，以綿紙撚裏藥，納入頻換數條，卽化去耳。亦有頑硬之極，非烏金散所能去者，則用化腐紫霜膏擦之，終不若烏金散爲至穩。

收口法

凡癰疽最宜難收口者，由瘀肉夾襖，瘀膿不盡所致。庸工不識，用補瀉之劑，勉強收口，恐他日內毒復發，更甚于目前。惟予所用海浮散，堪稱至寶。以此敷上，瘀肉自脫，不必用刀。新藥自生，又不藏毒，萬舉萬當也。大法先用防風湯洗之，再上末藥。洗時須避風爲主。書云：頻將湯洗，切忌風吹是已。更有體虛不能收口者，須內服補藥以助之。



總論服藥法

凡癰疽服藥宜照顧脾胃爲主不得已而用清涼但期中病切勿過劑大法初起時設有挾風寒者宜先用芎芷香薷散一劑以散之散後而腫未消隨用銀花甘草以和解之若腫勢掀痛大便閉結內熱極盛者則用衛生湯加大黃以疏利之若病勢雖盛而元氣漸虛者則清藥中須兼托補之劑透膿散主之若膿水已潰必須托補元氣爲主參芪兩托散主之如或元氣虛寒則補托藥中須用辛熱以佐之脾虛者理中湯參苓白朮散氣虛下陷者補中益氣湯胃經受寒飲食停滯者藿香正氣散氣血兩虛者十全大補湯加附子鹿茸輩間亦有虛而挾熱者

卽于前方中去附子姜桂加麥冬銀花丹皮等藥以收功是又

不可不知也大抵有陽毒有陰毒有半陰半陽宜細辨之陽毒

者瘡勢紅腫

瘡頂尖聳

根腳不散飲食如常口渴便結五心煩熱脉洪數

陰毒者瘡勢灰白平塌頑麻少痛根腳走散食少便溏手足厥

冷口鼻氣冷脉沉遲半陰半陽者瘡腫雖紅不甚尖聳飲食差

減大便不結寒熱往來微渴喜熱脉虛軟此三者必須細辨俾

用藥寒溫得宜方爲合法治陽者清涼解毒治陰者溫中回陽

半陰半陽之治清不傷胃溫不助邪如斯而已矣

復論五善七惡救援法 九

或問癰疽五善十惡何謂也答曰五善者飲食知味一也便溺



調勻二也膿潰腫消膿水不臭三也神氣清爽動息自寧四也脈息有神不違時令五也七惡者大渴發熱泄瀉淋閉一也膿潰尤腫膿稀臭穢二也目睛無神語聲不亮三也食少不化服藥作嘔四也恍惚嗜臥氣短乏力腰背沉重五也唇青鼻黑面目浮腫大也脈息無神或躁動不和七也古語云五善得三則吉七惡得四則凶余謂七惡之凶不待四矣然而極救之法正不容以不講大抵熱渴淋閉喘急內熱皆真陰受傷宜六味湯加麥冬五味如不應用人參湯加麥冬五味更不應用人參大補湯兼服六味地黃丸此乃補陽生陰之說也若氣短倦怠昏憤乏力飲食不化乃陽虛之候宜用補中益氣湯若睡臥不寧

宜用歸脾湯若飲食減少面目浮腫宜用香砂六君子湯若兼脾胃虛寒更用理中湯腎氣虛寒須用桂附八味丸兼用十全大補湯加附子此溫補回陽之法若癰疽潰後膿血去多變爲角弓反張手足搐搦肢體振搖而發瘥者並用參芪歸朮併附子等藥以救乏如不應服十全大補湯間有可生者當此時勢性命急如懸縷司命者宜叮嚀反覆思而審處之

將息法 十

凡病中設有挾風寒者卽宜斷去葷腥油膩微服散藥俟外邪祛盡用滋味調補大抵將息癰腫不可缺少滋味以血肉能生血肉也然又不宜過多使肉氣勝穀氣更忌生冷滯氣之物

恐反傷脾胃耳並宜避風邪戒嗔怒寡思慮少言語兢兢保養
爲貴至于病後將息毒大者三年內宜遠帷幙毒小者期年內
宜遠帷幙犯之則成虛損或成偏枯或陰滅天年不可不慎也
其他戒怒慎風亦須常作有病時想
以上十法乃治癰疽發背之大綱大者可爲小者可知已余
生平善治外症其心法全在于此約而能該確而可守也至
于周身上下所患之病名備載於後以資參考

外科症治方藥

發背

對心發

背俞發

搭背

手發

足發

生於背名曰發背肺經火毒也生於背下與心相對名曰心發心經火毒也生于腰名曰腎俞發腎經相火之毒若生于肩瘡名曰搭背右爲肺火左爲肝火也生於手背名曰手發生足背名曰足發脾經濕熱之毒也有如蓮子形者頭多突起有如蜂巢形者孔多內陷外結螺靨此二種須防毒陷大率此症皆由膏粱厚味或六淫外客七情內鬱所致積聚不散以致榮氣不從逆於內裏耳初覺腫痛卽宜用藥消散之散而不去則用艾灸提膿等法癰疽之症始爲熱中末爲寒中不可不察也

遠志膏

凡一切癰疽腫毒初起之時隨用遠志肉二三兩去

心清酒煮爛搗如泥敷患處用油紙隔布扎定越一宿其毒

立消屢試屢驗其效如神

普救萬全膏

見卷三 瘰癧

銀花甘草湯 治腫毒初起時皆可立消內服此藥外服遠志膏一切惡毒無不消散但宜早服為妙倘瘡已成膿必須外治無從消散也

金銀花

二兩

甘草

二錢

水煎清酒冲服○若毒在下焦加牛膝二錢

陳艾圓 每歲端午日蓄蘄艾一二斤愈久愈良用時取葉為

炷或加射香木香明雄黃末搓成團安蒜上灸之名藥艾圓

蟾蜍餅 治疔毒腦疽乳癰附骨疽臀癰一切患症或不痛而

大痛或麻木用此敷貼瘡頭

蟾蜍

一錢酒化

輕粉

五分

乳香

沒藥

雄黃

芭荳

各二錢

射香

三分

硃砂

一錢

朝腦

一錢

以上各爲細末于五月五日午時在淨室中用蟾蜍酒和藥丸如茶荳大每用一丸口涎調塗貼疔瘡上以膏蓋之

菊花甘草湯 治疔之仙藥也

白菊花

四兩

甘草

四兩

水煎頓服渣隨卽再煎服重者不過二劑卽消至穩至效一切消疔之劑皆不及此

芎芷香蘇散 凡毒多有挾風寒而發者宜先用此散之如毒

